

Informacija

Ponašanje prije i poslije operacije u KSB

Kantonalna bolnica Baden AG
CH-5404 Baden

Konzultacije u vezi s
anestezijom
Telefon +41 (0)56 486 31 46
ipas.chirurgie@ksb.ch

www.ksb.ch

Svojom suradnjom možete doprinijeti tome da se spriječe neprijatne neželjene reakcije ili komplikacije koje su moguće kod svakog postupka anestezije. Molimo Vas da nam pomognete u tome da spriječimo neočekivane događaje tako što ćete poštovati sljedeća sigurnosna pravila:

Neuzimanje hrane i pića

Ukoliko nije drugačije dogovoreno, važe sljedeća pravila u vezi s neuzimanjem hrane i pića:

- dolazak na dan operacije:
 - ↳ Čvrsta hrana je dozvoljena do 6 sati prije dolaska, nakon toga više nije.
 - ↳ Bistra tekućina (gazirana/negazirana voda, zaslađen čaj/ zaslađena kavabez mlijeka/pavlake) je dozvoljena do 2 sata prije operacije, nakon toga više nije.
 - ↳ Izuzetak: dozvoljeno je uzimanje propisanih lijekova s jednim gutljajem vode!
 - ↳ Pošto može doći do neplaniranih pomjeranja u programu operacija, preporučujemo Vam da 2 sata prije dolaska popijete jednu do dvije čaše vode. To poboljšava Vaše stanje prije i poslije operacije.
- Dolazak na dan prije operacije:
 - ↳ Ne morate doći, a da prethodno niste uzimali hranu i piće, ukoliko nije drugačije dogovoreno.

Lijekovi

- Svoje jutarnje lijekove možete uzeti onako kako Vam je propisano od strane anesteziologa.
- Ukoliko između razgovora sa anesteziologom i termina operacije dođe do promjena Vaše medikacije ili Vašeg zdravstvenog stanja, molimo Vas da kontaktirate anesteziologa na broju telefona 056 486 3144.
- Sve lijekove koje morate da uzimate ponesite sa sobom na dan dolaska.

.....

.....

.....

.....

Nakit i dragocjenosti

- Komade nakita koji se skidaju i druge dragocjenosti ostavite kod kuće. KSB ne odgovara u slučaju gubitka.
- Elektronika za zabavu i sredstva za rad skraćuju doduše svakodnevicu u bolnici, ali se lako mogu izgubiti. Brižljivo donesite odluku o tome!
- Uređaji za puštanje muzike (MP3-Player, smart mobilni telefoni u modusu za let) se kod planirane regionalne anestezije mogu ponijeti sa sobom u operacionu salu (OP). Odbija se bilo kakva odgovornost u slučaju gubitka ili oštećenja.
- Piercinci mogu dovesti do opekline. Ukoliko se mogu skinuti, ostavite ih kod kuće. U suprotnom morate na njih upozoriti doktorice i doktore. Odbija se bilo kakva odgovornost u slučaju opekline ili gubitka.

Pomagala za vid i sluh

- Naočale i kontaktne leće (sočiva) ne smiju se unositi u operacionu salu (OP), osim u slučaju jake slabovidosti.
- Slušna pomagala smiju se unositi u operacionu salu (OP) samo kod djelomičnih narkoza.
- Odbija se bilo kakva odgovornost u slučaju gubitka ili oštećenja.

Ponašanje prije i poslije operacije u KSB

Higijena

- Molimo Vas da na operaciju dođete u njegovanom stanju (tuširanje uključujući čišćenje pupka), ali **nenasminkani i bez tjelesne kreme/losiona za tijelo**.
-

Zubne proteze

- Zubne proteze ili parcijalne proteze mogu se pomjeriti za vrijeme operacije, izazvati ozljede, oštetiti se ili izgubiti.
 - Iz tog razloga zubne proteze prije operacije treba skinuti i ostaviti na odjelu u specijalnoj posudi s ispisanim imenom.
-

Dolazak na dan operacije, prije operacije

- Javite se u dogovoreno prijeme na šalter „Prijem pacijenata“ /Patientenaufnahme/. Odavde ćete u najvećem broju slučajeva biti ispraćeni na naš odjel za dolazak SDS (same daysurgery).
 - Osoblje za njegu provjerit će da li ste došli bez prethodnog konzumiranja hrane i pića i da li ste uzeli lijekove koji su Vam potrebni.
 - Molimo Vas da se presvučete za predstojeći zahvat. Vaša odjeća i Vaš pribor će se nakon operacije na odjelu složiti u Vašoj sobi, vaš prtljag će Vas tamo već čekati.
 - U dogovorenom trenutku bit ćete odvezeni u operacionu salu (OP).
 - Molimo Vas da imate u vidu to da zbog hitnih slučajeva ili dužeg trajanja prethodnih operacijskih zahvata može doći do kašnjenja. Činimo sve što je moguće da Vas dobro informiramo i da Vam eventualno omogućimo i šetnju u našem vrtu (molimo Vas da međutim pri tome imate u vidu zabranu uzimanja hrane i pića!).
-

Poslije operacije

- Nakon zahvata ćete u cilju intenzivnog nadzora neko vrijeme provesti u prostoriji za buđenje. Ukoliko su krvni tlak (pritisak), frekvencija rada srca i disanja stabilni, a bolovi za vas prihvatljivi, bit ćete vraćeni na odjel.
 - Molimo Vas da pravovremeno prijavite, ukoliko osjećate bolove ili mučninu. To važi kako za vrijeme u prostoriji za buđenje tako i nakon toga u odjelu/ambulanti. Što brže znamo kako se osjećate, to ćemo brže moći reagirati.
 - Stručna osoba za njegu pružit će Vam pomoć prilikom Vašeg prvog kretanja. Molimo Vas da krevet ne napuštate samostalno.
-

Pravila ponašanja nakon ambulantnih zahvata

- Ovisno o zahvatu je moguće da se istog dana možete vratiti kući.
 - Zahvat i naknadna djelovanja lijekova i opojnih sredstava privremeno umanjuju Vašu sposobnost rasuđivanja i Vašu moć reagiranja, zbog toga naročito treba imati u vidu sljedeće:
 - Ostavite svoje motorno vozilo kod kuće, ni u kojem slučaju ne upravljajte vozilom.
 - Neka po Vas dođe neka odrasla osoba za pratnju.
 - Tokom 24 sata nakon otpuštanja iz bolnice ne smijete upravljati vozilom, rukovati opasnim strojevima/mašinama i piti alkohol.
 - Tokom 24 sata od otpuštanja iz bolnice ne donosite ni važne odluke i osobito ne potpisujete ništa što je pravno obavezujuće.
 - Privremeno se odrekните sporta ili teških tjelesnih opterećenja.
-

Ukoliko se kod kuće jave problemi, kao što su na primjer jaki bolovi, mučnina, nelagoda sa znojenjem i bljedilo, ili ste ustanovili krvarenje, javite se dežurnom ljekaru nadležne klinike (kirurgija, vaskularna kirurgija, ortopedija, urologija, ginekologija; povezivanje preko telefonske centrale 056 486 21 11).

Suglasnost i potvrda

Potpisnik/potpisnica potvrđuje da je pročitala i razumjela gornje smjernice. Kantonalna bolnica Baden AG /Kantonalspital Baden AG) se ne može pozivati na odgovornost za posljedice koje nastanu zbog nepoštovanja ovih smjernica.

Baden,.....
(Datum)

.....
(Potpis pacijentice/pacijentaili zakonskog zastupnika)